

## Rapport vun der Versammlung den 02/11/2013 um 10:00 Auer

Präsenzen : Claude, Stefano, Pit

Entschëllegt : Mergim, Laura, Yves, Denis

Themen déi beschwat gi sinn:

- **Flyer**
- **Chrëschtmaart**
- **Maart**
- **Grillplaz**
- **Skype**
- **JGR Organisatioun**

### **Flyer:**

D'Flyere sinn nach net fortgeschéckt ginn, well de Pit nach keng Bestätegung krut punkto Laser Game.

Hien ass och enttäuscht dass sech net méi Leit gemellt hu fir hire Feedback zum Flyer ze ginn.

De Gewënnerpräis, Deadline an d'Kontaktinformatiounen feelen nach um Flyer. De Site vum JGR kënnt och nach drop am Fall wou Leit méi iwwert de JGR wëlle wëssen. Ufank nächster Woch gëtt de Flyer da vum Pit a senger Cousine finaliséiert.

### **Chrëschtmaart**

De Pit hat keng Zäit fir mam Paul Kridel Kontakt opzehuelen. Hie mécht dat souball e kann. De JGR wéilt och gär an Zukunft Invitatiounen kréien vu Mäert déi zu Hesper stattfannen. De Pit freet dofir och de Paul Kridel op hien déi Invitatiounen regelméisseg de Memberen vun der Kommissioun kéint zouschécken. Hie bräicht awer dofir eng Lëscht mat all de Kontaktinformatiounen vun all de Memberen vum JGR.

Wat um Maart soll verkaf ginn ass nach net kloer festgeluegt ginn. Et wier wichteg ze wëssen wat ee verkafe kéint, wéi ee Material ee brauch an d'Zäit déi ee brauch. De Maart sollt beschtefalls och méi bidden, wéi dat wat schonn um Chrëschtmaart verkaf gëtt. De Pit proposéiert dofir Zopp: einfach a schnell gemaach a kéint sech gutt verkafen op engem kale Wanterdag. Raclette wier soss och nach eng Optioun.

### **Maart**

De Schäfferot ass vun der Iddi begeeschtert. En hat och proposéiert de Maart éischter an der Woch z'organiséieren, am beschte mëttwochs.

De Stefano huet beim lokalen Hunnegproduzent nogefrot dee bereet wier do mat ze maachen, mee eréischt ab Fréijoer/Summer an e wéilt och gär méi Infoen dozou kréien. De Claude proposéiert och bei enger Poulets-Verkeeferin nozefroen op si och wéilt e Stand um Maart hunn. D'Laura hat scho proposéiert gehat Blummen um Maart ze verkafen. Et wier eventuell méiglech e Bäcker-Stand um Maart ze hunn. De Stefano kontaktéiert de Bäcker Daleiden a probéiert e Bauer z'iwweezeegen seng Produkter um Maart ze verkafen.

D'Plaz wou de Maart soll stattfannen ass scho mam Schäfferot festgeluegt ginn. Et muss soss nach mam Maartverband weider gekuckt ginn. Den Yves rífft do nach eng Kéier un a seet deenen aneren per Email Bescheid wat do gesot ginn ass. Et ass och méiglech dass ee Member einfach samstes um Maart selwer nofroe geet. De Stefano huet proposéiert d'nächst Woch nach bei *Fleurs Kill* ze goen.

## Grillplaz

Jidderee war positif iwwerrascht dass de Schäfferot d'Iddi vun der Grillplaz ënnerstëtzt. Et muss lo nach decideiert ginn op wéi eng Plaz de Grill hi komme soll. De Pit proposéiert dass et no bleift vum Skatepark. E sur place Treffe wäert néideg si fir déi beschte Plaz ze fannen. De Gary an d'Vania kucke mam Mergim zesumme wéini hie kéint sur place komme fir d'Plaz fir de Grill kënne festzeleeën.

## Skype

De Max huet e Skype Kont opgestallt fir de JGR.

Skype Numm: jugendgemengerot.hesper

Passwuert: xxxxxx

## JGR Organisatioun

De Mergim schafft lo samstes a kann dofir net bei de Versammlungen dobäi sinn. Eng Alternativ muss nach fonnt ginn, fir dass de Mergim awer dobäi ka sinn. De Stefano proposéiert och dass ee sech dertëscht méi oft trëfft an engem informelle Kader.

Et ass och decidéiert ginn dass eng Vollversammlung am Mount duergeet. D'Vania an de Gary proposéieren am Ufank de Suivi ze maachen. Si ruffen un a froen no wou déi verschidde Memberen dru sinn mat hiren Tâchen an ënnerstëtzen se bei de Froen déi nach do sinn. All Membere sinn och encouragéiert sech géigesäiteg ze soen an/oder dem Gary an dem Vania Bescheid ze soen, wa Schwierigkeeten do sinn.

Nächst Versammlung: Méiglech Datumer Meinden den 2/12 a Samsten den 30/11.

Fir d'informell Zwëschtentreffen müssen d'Memberen zesumme kucken wéini a wou dat fir jiddereen am beschten ass. Den Datum dee mol proposéiert ginn ass, ass Méinden den 11/11 um 18 Auer am Veneziano an der Stad.

## Aktiounsplang

Fir eis Iddien ëmzesetzen, hu mir decidéiert dass folgend Leit folgend Aufgaben bis déi jeeweileg Deadline maachen :

Wat	Wien	Wéini	Bemierkungen
Maartverband kontaktéieren	Yves	4/11/2013	18. Dezember um 19 Auer: JGR huet Rendez-vous mam Maartverband.
Kontaktéieren Fleurs Kill, Daleiden	Stefano	6/11/2013	Den Daleiden wor vun der Iddi begeeschtert, mee muss nach confirméieren. Fleurs Kill sot de JGR sollt zrëck komme wann et méi geplangt wier, hinne wier et nach net gutt duerch geplangt.
Mergim an Denis kontaktéieren (Treffen sur place Grillplaz an Datum vun der nächster Versammlung)	Vania	6/11/2013	Fir de Mergim ass et schwéier ze soen op hie fir déi nächst Versammlung kann dobai sinn. Punkto sur place Treffen wier fir hien sonndes den eenzegen Dag wou e kéint kommen. Hie kuckt awer mat sengem Patron a seet dann entweder dem Romain oder dem Gary Bescheid. Den Denis kann éischter Méinden den 2. Dezember op d'Versammlung kommen.
Flyer Finalisatioun	Pit	4/11/2013	Waart op d'Bestätegung vum Claude.
Laser Game	Claude	8/11/13	Geet de Freiden dohinner a seet da Bescheid.

